

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. I. Negativa præfertur.

[urn:nbn:de:hbz:466:1-73455](#)

Confirmatur. Illa conclusio est intrinsecè obscura, qua infetur ex principio intrinsecè obscuro, quia conclusiones fortiorunt suam certitudinem, evidentiam, vel inevidentiam ex præmissis: sed conclusio Theologica Viatoris infertur ex principiis intrinsecè obscursis, nimirum articulis fidei, quatenus obscurè revelatis: ergo est intrinsecè obscura.

Respond. Conclusio Theologica Viatoris qualis, per se exigit procedere ex principiis inevidentibus, perleitate exigentia reduplicata supra statum & subiectum Viatoris, conc. supra ipsam licentiam & conclusionem Theologicam, nego. Eadem est responsio ad probationem. Unde in his & similibus argumentis est fallacia reduplicationis, dum id, quod subiecto & statu per se convenit, transfertur ad ipsam scientiam: sicuti male ex eo probares, quod Christus per intrinsecam exigentiam fuerit mortalis, quia quia Viator fuit talis.

Ad Confirmationem Reip. Conclusio illata ex principio per se intrinsecè obscuro est intrinsecè obscura; si ab intrinseco per se dependeat ab illo principio, conc. si tantum ratione statu & subiecti, nego. Sed conclusio Theologica infertur ex articulis intrinsecè obscursis; ita, ut ab iis dependeat ratione statu, conc. ab intrinseco, nego

min. & consequentiam. Et ad probationem: Conclusiones fortiorunt inevidentiam ex præmissis, & omni modo, quo est in præmissis, nego, aliquo, conc. Sortitur ergo inevidentiam negativam, non autem privativam.

Oppones secundò contra ultimam responsionem. Si Theologia esset scientia propter evidentiā principiorum in superiori licentia DEI & Beatorum, tunc ex illa scientia deberet derivari aliqua evidētia in Theologiam Viatorum: sed nulla derivatur: ergo. Major constat: quia si nulla derivatur evidētia, tunc vel Theologia non erit scientia, utpote carens prædicato essentiā ipsius, vel sola certitudo sufficit ad rationem scientiæ, quod non est ad mentem S. D. min. probatur. Si qua derivaretur, hoc fieret mediante principiis: sed hoc non, quia principia sunt articuli fidei per se obscuri.

Reip. dist. maj. deberet derivari evidētia in Theologiam Viatorum, nisi ista sufficientissime certificetur de sui evidētia in Scientia superiori, conc. secus, nego. Hac quippe certitudo jam praestat inferiori scientiæ, ut per se inclinet in connexionem cum scientia superiori & faciat (quamvis modo imperfectori) intellectum scientiæ.

ARTICULUS VI.

Sitne S. Theologia scientia propriè subalternata?

S U M M A R I A.

1. *Conditiones 4. requisite ad subalternationem scientia proprie dictam.*
2. *Theologia habet aliquam subalternationem ad scientiam beatam.*
3. *Non tamen rigorofam.*
4. *Mens Angelici Doctoris exponitur.*
5. *Dantur scientia, qua nec sunt subalternantes, nec subalternatae.*
6. *Cur separationem scientia beatæ subalternantis à Theologia non destruatur ratio scientia?*
7. *Alia dependentia principiorum in subalternata scientia naturali, quam in Theologia.*

§. I.

Negativa præfertur.

EX Authoritate S. Doct. cit. loco docentis, jdeo Theologiam esse scientiam, quia procedit ex principiis notis lumine superioris scientiæ, que scilicet est scientia DEI & Beatorum, inferunt communiter Thomistæ, Theologiam esse scientiam propriè subalternatam scientiam DEI & Beatorum, hoc est, visioni beatificæ. Negat Scotus, & omnes ij, qui Theologiam negant esse scientiam. In qua questione, qua magis de nomine quam de re esse videtur.

1. *Notandum:* Ad propriè dictam subalternationem scientiarum 4. conditiones requiri primò, ut subalternata acceperit sua principia à scientia subalternante, ubi enim desinit subalternans, ibi incipit subalternata, ac proinde secundò, ut principia scientiæ subalternatae, tantum fiant evidētia per lumen scientiæ subalternantis. Tertiò ut subalternata supra objectum materialem scientiæ sub-

alternantis addat aliquam differentiam accidentalem, vi cuius acquirit novam scibilitatem seu demonstrabilitatem passionum. Quartò, ut subalternata coniungatur cum subalternante in eodem intellectu, e. g. Musica Arithmetica, Perspectiva subalternatur Geometria: quia illa ab Arithmetica, hac à Geometria sua accipit principia, ita enim perspectiva probans, quod radii visuales, quoniam magis accedunt ad oculum, tantò angustius coeant, assūmit principium istud ex Geometria, quoniam propriùs due linea à peripheria accedunt ad centrum, tantò faciunt acutiem angulum, quod ipsum principium non in Perspectiva sed in Geometria demonstratur. Sic pariter ad objectum materialem Geometriæ, quod est linea, superaddit differentiam accidentalem, qua est visualitas, & Musica ad numerum, quod est objectum materialem Arithmetica, differentiam sonori. Nisi etiam perspectiva continetur in eodem intellectu cum scientia Geometria, non habet certitudinem sufficientem ad rationem scientiæ: quia illa non est sufficiens certitudo, qua fundatur in fine humana essentialiter fallibili: sed certitudo scientia subalternata separate à scientia subalternante tantum fundatur in assensu fidei humanae: quia in tantum præberet assensum suis principiis, in quantum credit Authoritat Magistri docentes. Unde S. D. q. 14. d. ver. a. 9. ad 3. dicendum, inquit, quod ille, qui habet scientiam subalternatam, non perficie attingit ad rationem sciendi, nisi in quantum ejus cognitio continuatur quodammodo cum cognitione ejus, qui habet scientiam subalternantem.

CON-

CONCLUSIO. *Theologia aliquo modo subalternatur scientia DEI, & Beatorum, non tamen propriè dictâ & rigorosâ subalternatione.*

I. Pars constat primò ex autoritate S. D. qui hic instituit comparationem inter Theologiam & Musican, quod manifestationem principiorum in scientia lupetiori.

Constat secundò ratione, quia habitus inferior quoad evidētiam & manifestat onem suorum principiorum dependens ab habitu superiori, rectè ipsi dicitur subordinari; adeoque saltem in latiori sensu subalternari, sed quod evidentiam suorum principiorum Theologia pendet à scientia DEI & Beatorum; quippe in qua clarè videntur, quæ hīc obscure credimus: ergo eidem aliqualiter saltem subordinatur.

Secunda pars prob. quia Theologia in multis deficit à perfecta subalternatione, & differt à scientia subalternata.

Nam primò. Principia scientiae subalternatae pertinent per se ad scientiam subalternantem seu conclusiones ipsius: atq[ue] principia nostra Theologiae, non ad scientiam beatam, sed ad fidem in trinice pertinet. Unde fides ita se habet ad Theologiam, sicut habitus principiorum ad scientiam.

Secundò. Principia Theologiae, hoc est, articuli fidei non manifestantur à scientia Beata modo scientifico & probativo, quod est proprium scientiae subalternantis, sed formaliter, modo intuitivo; neque lumen fideli perficitur per lumen gloriae, sed destruitur; cùm tamen lumen scientiae subalternatae perficiatur per lumen scientiae subalternantis, neque ip[s]i accedit illud lumen gloriae, sed succedit: Unde aequali modo sicuti visio beatifica se habet, ut habitus primorum principiorum respectu clara Theologiae in patria, sic se habet fides respectu Theologiae invenientis in via: cùm fides defacto vices obeat beatæ visionis. Hoc totum verò non habet locum in scientiis propriè subalternatae.

Tertiò. Quantuscunque conclusiones per Theologicum discursum deducimus, illæ ip[s]e clarè videntur à DEO & Beatis per visionem beatissimam: atq[ue] scientia subalternans non penetrat conclusiones scientiae subalternatae.

Quatùd. Theologia non propriè superaddit objecto materiali scientia beatæ differentiam accidentalem, quā fundetur novus modus scibilitatis. Illa enim vel esset invenientia, ut aliqui volunt, vel virtualis revelabilitas. Non invenientia, tum quia haec Theologia est accidentalis, & in Beatis scientia Theologica est evidens. Tum quia invenientia potius impedit, quā causat subalternationem cum scientia visionis: èo quod reddit habitum invenientem incompossibilem cum illa, pro ut in habitu fidei. Non etiam virtualis revelabilitas: quia scientia visionis aquæ se extendit ad virtualiter, quā ad formaliter revelata, sicut & ipsa fides, prout communiter docent Theologi: scientia autem subalternans non debet comprehendere intra suum objectum illam differentiam accidentalem. Virtualis quoque revelatio potius diversum motivum & formalem rationem. *Sub qua,* quā differentiam accidentalem materialis objecti

R. P. Mezg. Theol. Schol. Tom. I.

significat, nec tam ad objectum terminativum, quā ad modum cognoscendi pertinet.

Quintò. Propriè dicta subalternatio scientiarum requirit utriusque coniunctionem: sed nostra saltem Theologia non conjungitur cum scientia visionis, quam habent DEUS & Beati: ergo saltem nostra Theologia non est propriè subalternata scientie DEI & Beatorum.

Nec urget in oppositum autoritas allegata S. Doctoris; quia ut ex textu patet, inter Theologiam & habitum subalternatum instituit comparationem tantum in duobus: primò, quod sicut Musica procedit ex principiis notis lumine superioris scientie, sic etiam Theologia. Secundò, quod sicut Musica credit principia sibi tradita ab Archimetro, ita doctrina facra credit principia revelationis sibi à DEO. Ex quibus nequaquam inferri potest omnimoda paritas, & univocatio subalternationis.

§. II.

Solvuntur Objectiones.

Objectiones primò. Omnis scientia aut est subalternans aut subalternata: sed ex nostris principiis Theologia nec est subalternans, nec subalternata; ergo ne quidem est scientia, quod repugnat supra dictis.

Resp. negando maj. nam metaphysica, physica &c. sunt scientiae, nec tamen vel subalternantes, vel subalternatae.

Instabis. In naturalibus scientiis, si subalternata separaretur à subalternante, deficit à ratione vera scientiae: ergo idem magis dicendum de nostra Theologia, quia n.c. est perfectè subalternata, neque coniuncta cum scientia DEI & Beatorum.

Resp. assignando disparitatem: quia intellectus habitus in Theologia instructus fide Divina infallibiliter certificatur, sua principia esse à DEO, & in DEO à Beatis clarè cognita: unde ipsa etiam evidentiæ scientia DEI & Beatorum mediante hac certificatione potest influere in certitudinem conclusionum Theologicarum; hoc non sit in subalternata naturali separata à sua subalternante, quippe quia tantum supponit sua principia tanquam fide humana fallibili credita.

Obijc. secundò. Ita se habet Theologia ad Scientiam DEI & Beatorum, quo se habet Perspectiva ad Geometriam, & Musica ad Arithmeticam: sed perspectiva propriè subalternatur Geometria, Musica Arithmeticæ: ergo etiam Theologia scientia DEI & Beatorum. Major est D. S. Minor Aristotelia.

Confirmatur. Ideò perspectiva & Musica subalternantur Geometriæ & Arithmeticæ, quia eorum principia dependent à Geometriæ & Arithmeticæ: sed etiam principia nostra Theologiae in esse manifestabilis dependent à scientia DEI & Beatorum: ergo.

Resp. ex ante dictis. Ita se habet &c. inadæquatè, & secundum alias conditions subalternationis, conc. ad æquatè & secundum omnes, nego; nec aliud evincit Angelici Doctoris Autoritas. Similiter ad confirmationem. Ideò &c. quia illarum principia dependent &c. cum omnibus requisitis ad adæquatam subalternationem,

conc.